

امور تحریر یہ ایچون فؤاد بک
وامور اداره ایچون آرتین افندی بہ
مراجعت اولنور۔

—

مسلکمزہ موافق آثار قبول اولنور۔
درج اولغیان اوراق اعادہ اولنماز۔

مجلہ علمی

ادارہ خانہ سی باب عالی جادہ سندہ
۵۲ نومرولی « شرکت مرتبہ »
مطبعہ سیدر۔

—

استانبول ایچون سنہ لکی مطبعہ دن
آلغی شرطیلہ ۴۰ طشرہ لره پوستہ
اجرتیلہ برابر ۶۰ غروشدر۔

نسخہ سی ۱ غروش

پنجشنبہ کونلری نشر اولنور ادبی، فنی و صناعی غزیرہ در

نسخہ سی ۱ غروش

﴿ حفظ الصحه يه دأر بر قلاچ سوز ﴾

(مابعد)

سم رنوينك تأثيرات ماديه سنك نه اولديغنى بيان ايتدكن صوكره، بر آزده تأثيرات مغويه سندن بحث ايدلم:

بونده، اك زياده غرائب حياتيه دن معدود اولغه شايان برجته وارايسه اوده آثار سمك محل مخصوصه نظراً تنوعى كيفيتيدر. بر حيوانى تغديه مدار اولان عيى بر ماده نك، ديكر بر حيوانى تسميم ايتديكى دفعاتله مشاهده اولمشدر. موسيو (بورديه) نك (ژه اوغرافى مديقال) نام اثرنده ايصاح ايتديكى وجهله، كچيلر هيج بركونه تهايكه دوجار اولمق سزىن توتونى اردج قوشلىرى بالدرانى، حيوانات قاضيه بلادونى اكل وهضم ايتدكارى حالده، بالعكس، شكر قوربنه ايله باغرى صاق صغولجانلرينك اتلافه، مانيوق كيكى اوكون، آت و قيونلرك هلا كنه، انسانلرك وفاته سببىت ويرمكده در. حالبوكه حيوانات قاضيه ايله طموزلرك باشلو جه واسطه تغديسى مانيوق كوكيدر. قهوه، پايغانك موجب مماتى، قارغه وسرچهلرك باعث حياتيدر. (داروق) ك بياناته كوره، سياه اولميان طموزلرك طرناقلىرينك دوكلينه سببىت ويرن «لاقبانت تققوريا» كوكارىنى سياه طموزلر هيج بروجع واضطرابه دوجار اولمق سزىن بلع ايدمىيلورلر ايمش. يالكز رنكلرنده مشهود اولان جزئى بر فرق اكتر حيوانات و نباتاتك بعض امراضدن مصونيتى وبالعكس ديكر بعض امراضه اولان استعدادى تعيين ايدر. بر جنسندن منشعب وير جمعيت مدينه يه منتسب انسانلرك عيى بر سمك تأثيرى ازاله ومحو ايتمك امرنده كوستر. دكلرى مقاومتك درجه سى ده بك متخالفدر. بعض انسان بتون كون توتون ايجرده

مزاجنه هيج بر انحراف طارى اولماز؛ بعضيسى ده توتون ايجيلان برفضانك هواسنى برايكى ثابته تنفس ايتمكله در حال صغوق ترلر دوكله باشلار، غشانه مبتلا اولور. بوندن باشقه، صباحلين آچ قارننه برچوونك رايحه ثقيله سنى استنشام ايدر ايتمز، بكزى صاراردق گرفتار ضعف اولان بر كمسه، اقشام اوستى خفيفه آلام قليبى واويقوسزلق اماراتندن باشقه برشى حس ايتمك سزىن كمال ذوق وشوقله ايتسدىكى قدر سيغاره سمنك دومانى صاووره بيلور. ذاتاً بدنلرينه (قوخ) باسلى شرينغه ايديلن حيواناتك وفاته باعث اولان شى، بر حيوانك زياده جه بر مقدارده قالد بربيله جكى بردوانك جزئى بر مقدارى ديكر حيوانك هلاكى موجب اوليشى دكيدر؟

بونك كى سم رنوينك ده اشخاصه اولان تأثيرى بر دكلدر. بوتأثيرات وخيميه اك زياده هدف اولان كسهلرك غلبه لك بر يرده برمدت مكث و آرام ايتدكن صوكره صداع و احتباس نفس علاماتى حس ايدم. جكلارى بديهيدر. بو قيبيلدن اولان آدملىر، وسعتى اولسه بيله، تجدد هوا دن هر وجهله محروم بولنان بر اوطده خسته. لقمق سزىن كچه يي كچيره مزلىر. بعضيلرى ده، اك غلبه لق محملرده اوقاتكذار اولمق سندن تلذذ ايدرلر. بعض اولرده، پنجره آچق عادتى اصلا يئلزلر.

فقط، بوده بالاده افاده اولنديغى وجهله، عاده متوقفدر. از جمله يهوديلر دائماً وهر زمان قپالى يرلرده اشتغالى اعتياد ايتمش اولدقلىرندن آفات هوايدن اولدقجه مصوندرلر. آچيقلقده تعيشه مألوف اولان بر عرب، يهودينك مدت مديده داخلنده ياشايهرق كترله تورده ييكى بر محله اقامته مجبور ايديله جك اولورسه تورم ايدهرك وفات ايله جكى شهيدن وارسته در. سم

رنوينك شايان مطالعه نشايچندن برى ده فعاليت ذهنيه نك تنقصيدر. جمعيتلى محملرده بعضاً ذهنه اويله بر ثقلت عارض اولوركه هيج برشى آكلاشماز. يالكز قوه حافظه و حس طبيعى اجراى تأثير ايتمكدن خالى قالماز. اوطوريلان اوطه نك هواسى تصفيه ايديله جك اولورسه قوه مفكره در حال عودت ايدر. هر حالده هوا باعث فوزونجات سرمايه عمر و حياتدر. بالاده عرض وافاده اولنان تدابير موقع افرايه وضع ايدلديكى صورتده علمده افراط و تفريط نتيجه سى اولهرق سرزده ساحه ظهور اولان برچوق علل و امراضك اوكى آلدرق انسانيتك تدريجاً امراض مهلكه متعدده نك پنجه قهر واستيلا سندن تخليص كريبان ايدم بيله جكى قويا مأمولدر.

— ❦ —

﴿ انكلترده قيزلره مخصوص مكتب ﴾

انكلترده پرنس دوغلاك اثر همتى اولوق اوزره كنج قزلره مخصوص يكي بر دارالنعلم احداث اولمشدر. فرانسه نك قيز صنايع مكتبلى طرزنده و فقط تعديلات لازمه اجراسيله انشا ايدلمش اولان بومكتب فوائد آورك اصل شايان اهميت برجته نوع بناتك اكتساب دانش و تربيه ايله برابر وجودلرينك ده حسن صورته نشو ونما بولمسه مساعده بر درجده جناسيتق تعليمى كورمكده اوله ليدر. كنج قيزلرك بوراده جناسيتق تعليمى كورمه سندن هر برينك مصارع اوله جقلىرى ظن ايتمىكز. بونلره اجرا ايتديريلن حرركات بدنيه ايله بزم بيلديكمز جناسيتق تعليمى آراسنده بك بيوك فرق واردر. بالعموم مكاتبده شاگردانه تعليم اولنان جناسيتقلىر اعضاء بدنك عموماً

تموینه خدمت ایدہ میوب یالکز قول باجاق
کبی بعض اعضا نیک تقویہ سنہ خدمت ایلہ دیکی حالہ
پرنس ذوغالک کشادینہ ہمت ایتدیکی مکتبہ
قزلرہ تعلیم اولان ادمان سایہ سنہ وجودک
هر طرفی متساویاً استفادہ ایتکده اولدینی
کبی فرانسه مکتبہ کی اصول انجق تشکلات
وجودیہ سی صاغلام، متین اولانلرہ استفادہ
بخش اوله رق تازہ قزلرک وجودینہ ایراث
مضرت ایتدیکی حالہ انکلیزلرک مکتبہ
اتخاذ ایدیلان اصول بو محذور دن دخی کلیاً
آزادہ اولدیغدن ارکک، قادین، کنج،
اختیار کیم اولورسه اولسون وجودک بر
صورت متساویہ نشو ونما سنہ اکتساب
قوت ایلہ مہ سنہ خادمدر.

قزلرہ تعلیم ایچون کونده یالکز بر ساعت
مدت تخصیص ایدیلوب بو مدت ظرفندہ
غایت خفیف بر فانیلا دون ایلہ قیصہ برر
اتککک لابس اولان قرق، الی قز جوجوغی
بز صنف تشکیل ایدہ رک حرکات بدنہ تعلیم
ایتکده وبو سایہ وجودجہ پک بیوک
استفادہ ایلہ مکده ایمشدر.

شو معلوماتی ویرن فرانسر غز تلری
حفظ صحتہ پک موافق، کنج قزلرک وجودینہ
پک نافع اولان بواصولک فرانسه دخی
موقع اجرائہ وضعی حقندہ بیان آرزودن
چکینہ یوزلر.

تراجم احوال

« اسکندر »

(مابعد)

دارانک بوهزیمی بحر سفید سواحلی
فرات وادیسندن آیران جبال متسلسلہ
آراسندہ کائن (ایسوس Issus) دہ واقع
اولمش ایدی. اسکندر بوندن صوکرہ نہرک
استقامتہ دوغرو دارایی تعقیب ایدہ جک

یردہ، بحر سفید سواحلیندن قاجاماق ویر
کونہ حرکتہ مجال بر اقامق مقصدیلہ اول باول
مصرہ قدر بوجوار لری استیلا غزمنہ دوشدی.
ابتدا ضبطنہ تشبث ایلہ دیکی تیر شهری اہلہ
لیسنندن شدتلی مقابلہ کورمہ سی اوزرینہ
شہرک اطرافنہ سدلر انشاسیلہ یدی آی قدر
محاصرہ دن صوکرہ تسخیرہ موفق اولدی.
ایکی آی واقع اولان محاصرہ نتیجہ سنہ
غزہ شہرینی ید ضبطنہ کچیردی. بونلری
متعاقب بتون سورہ قطعہ سیلہ قبریس
جزیرہ سنی الہ ایتدیکی کبی مصرہ دخی
حامی صفتیلہ قبول ایدلش ایدی. اسکندر
بوفرصندن استفادہ ایلہ لیبہ صحرا سنہ بولنان
« آمون » معبد جسینی زیارت ایتدی.
بورانک « باش راہی » اسکندری « آمون » ک
اوغلی نامہ استقبال ایلہ دی.

اسکندر مصر دن چیقمازدن اول کندی
نامہ اولہرق « اسکندریہ » شہرینی دہ تأسیس
وبنا ایلہ دی [۳۳۱].

بو فتوحات دن صوکرہ ایش دارا ایلہ
اولان محاربہ نیک انتاجنہ قالمش ایدی. دارا
اسکندرک کندی اوزرینہ حرکتنی خبر آنجہ
مصالحہ قیدیہ دوشہ رک، روایتہ کورہ، مالک
اولدینی اراضینک نصفی ترک ایتکده برابر
کریمہ لرندن برینی دہ اسکندرہ تزویج ایلہ مک
شرطیلہ تکلیف مصالحہ ایتش ایسده اسکندر
بو تکلیفی قطعاً رد ایتدی. دجلہ و فرات نہر لری
کچکدن صوکرہ بونلرک سواحل شرقیہ سی بویجہ
امتداد ایدن صحرائ واسعدہ رکز خیام ایتدی.
دارانک بو دفعہ جمع ایتش اولدینی عسکر
عددجہ اولکندن زیادہ اولقلہ برابر یونانیلرک
صولتنہ مقابلہ ایدہ یلک ایچون مہما ممکن
محارب و ممتاز اولق اوزرہ انتخاب ایدلش
ایدی. فقط ماکدونیا لیلر دارا طرفندن
بالذات قوماند اولنان واردوسنک مرکزینی
تشکیل ایلہ یں عساکر اوزرینہ او قدر شدتلی
برہجوم اجرا ایتدی لرک دارا عسکری بودفعہ

(ایسوس) صحرا سنہ کی قدرہ مقاومت
ایدہ مہ یوب آز زمانہ بوزولدی. بومعرکہ دہ
اسکندر، عسکرندن آنجق اوچ یوز کشی
غائب ایدوب دارا ایسہ تلفات کلیہ ویرہ رک
فرارہ مجبور اولدی.

دارانک حکومتہ آرتق نہایت ویرمیش
اولان بومعرکہ قبل المیلاد (۳۳۰) تاریخندہ
واقع اولوب تاریخندہ « اربیل محاربہ سی »
نامیلہ قید واشعار اولغشدر.

احراز ایتش اولدینی شو غالبیت اوزرینہ
اسکندر « بابل » شہرینہ عطف عنان عزیمت
ایدہ رک شہر مذکور دہ « آسیا قرالی » عنوانیلہ
ومطنطن الای والا ایلہ قبول ایدلدی.
« پرسہ پولیس » ی یونانیلرہ اولان غیظ
و عداوتنہ بناء اعدام ایدوب بعدہ
« اکباتان » اوزرینہ یورودی. دارا ایسہ
بو آراق بورالردن چیقماق اوزرہ ایدی.
اسکندر معیتہ بر مقدار سواری آلہرق
تعقیبہ شتابان اولدی. نہایت دارا فوت
اولہ سیلہ نعشی ایران قرالترینک مدفون
بولندقلری مقبرہ یہ مراسم مخصوصہ و معتادہ
ایلہ نقل ایتدی ریلوب دفن ایدلدی. متعاقباً دہ
اسکندرک آسیا قرالیتی صورت قطعہ دہ
اعلان اولدی.

بونک اوزرینہ اسکندر ایرانیلرک طرز
معیشتی قبول ایدہ رک بورادہ دبدبہ وطنطنہ
ایچندہ عمر گذار اولہ یی ماکدونیا دہ کمال
استراحت ایلہ اصرار حیات ایلہ مکہ ترجیح
ایتش ایسده معیتندہ بولنان ماکدونیا لیلرہ
عادات ایرانیہ اتباعاً بویلہ برطاقم مراسم
وتشریفاتہ رعایت پک آغر کلش واسکندر
ایسہ بونلری رعایتہ مجبور ایتک ایچون بر
خیلی مشکلاتہ دوچار اولہ سیلہ اشواحوال
نامرضیہ لرندن دولایی پدرینک قدیم معیتی
حقندہ قلبندہ درحال براغبار حاصل ایتکده
باشلامش ایدی. (مابعدی وار)